



ՊԱՏԻՎ ՈՒՆԵՄ



ՀԻՄՆԱՎՈՐ ԳԻՏԵԼԻՔՈՎ ԴԵՊԻ ԱՐԺԱՆԱՊԱՏԻՎ ԾԱՌԱՅՈՒԹՅՈՒՆ Թիվ 1(26), 28 փետրվարի, 2020թ.

ՀՀ ՈՍՏԻՎԱՆՈՒԹՅԱՆ ԿՐԹԱՅԱՍԱԼԻՐԻ ՊԱՇՏՈՆԱԹԵՐԹ

ԳԻՏԱԳՈՐԾՆԱԿԱՆ ՀԱՄԱԺՈՂՈՎ

Փետրվարի 19-ից 21-ը Բելառուսի Հանրապետության ՆԳՆ ակադեմիայում տեղի ունեցավ «Հանցավորության դեմ պայքարի և իրավապահ համակարգում կադրերի վերապատրաստման հիմնախնդիրները» թեմայով 20-րդ միջազգային գիտագործնական համաժողովը:

Համաժողովին մասնակցում էին տարբեր երկրների ՆԳՆ ուսումնական հաստատությունների ներկայացուցիչներ, գիտաշխատողներ, դասախոսներ: Բելառուսում էին նաև ՀՀ ոստիկանության կրթահամալիրի ներկայացուցիչներ՝ Կրթահամալիրի պետ, ոստիկանության գեներալ-մայոր Մուշեղ Բաբայանը և պետության և իրավունքի տեսության և սահմանադրական իրավունքի ամբիոնի պետի ժամանակավոր պաշտոնակատար, ոստիկանության փոխգնդապետ Ամալյա Սաֆարյանը: Վերջինս համաժողովին ներկայացավ «Մարդու իրավունքները և ոստիկանությունը դասընթացի նշանակությունը ոստիկանության կադրերի պատրաստման գործընթացում» հոդվածով: Կրթահամալիրի և Բելառուսի ՆԳՆ ակադեմիայի միջև կնքվեց կրթության և գիտության ոլորտում համագործակցության մասին արձանագրություն:

Անդրադառնալով կրթության ոլորտում միջազգային փոխշահավետ համագործակցության ուղիների ընդլայնման անհրաժեշտությանը՝ Մ. Բաբայանը համոզմունք հայտնեց, որ նախաընթացից նպատակներին հասնելու համար միջազգային առաջատար փորձի ուսումնասիրումն ու կիրառումը կարևոր նախապայմաններ են:

Համաժողովի աշխատանքները շարունակվեցին 9 խմբով, որի ընթացքում քննարկվեցին իրավապահ մարմինների գործունեության տեսական, իրավական, սահմանադրական և պատմական, հանցավորության դեմ քրեադատավարական ասպեկտները, ինչպես նաև վարչական իրավունքի և գործընթացի արդի հիմնահարցերը: Ծավալվեցին արդյունավետ քննարկումներ և մտքերի փոխանակում՝ ուղղված ուսումնական գործընթացի բարելավմանը և արդիականացմանը:



ՄՈԼՂՈՎԱՅԻ ՀԱՆՐԱՊԵՏՈՒԹՅԱՆ ՆԳՆ ԱԿԱԴԵՄԻԱՅԻ ՊԱՏՎԻՐԱԿՈՒԹՅՈՒՆԸ ՀՀ ՈՍՏԻՎԱՆՈՒԹՅԱՆ ԿՐԹԱՅԱՍԱԼԻՐՈՒՄ



Փետրվարի 6-ին ՀՀ ոստիկանության կրթահամալիր էր այցելել Մոլդովայի Հանրապետության ՆԳՆ «Շտեֆան չել Մարե» ակադեմիայի պատվիրակությունը՝ ուսումնական աշխատանքների զծով առաջին պրոռեկտոր, ոստիկանության գնդապետ Յուրի Օդաժուի գլխավորությամբ: Պատվիրակության կազմում ներկա էին նաև Վիկտորյա Ժիտարը, Ռուսնակ Կոնստանտինը, Իոն Կորչմարը և Վրաբի Կոռնելիյը:

Հանդիպումը խորհրդանշական էր, քանի որ Մոլդովայի ոստիկանության ակադեմիայի հետ Կրթահամալիրը դեռևս 2018 թվականին համագործակցության արձանագրություն էր կնքել, սակայն առաջին պաշտոնական հանդիպումը տեղի ունեցավ միայն 2020 թվականին, որը միտված էր համագործակցության հետագա քայլերի նախանշմանը:

Հյուրերին ընդունեց ՀՀ ոստիկանության կրթահամալիրի պետ, ոստիկանության գեներալ-մայոր Մուշեղ Բաբայանը: Հանդիպմանը մասնակցում էին նաև Կրթահամալիրի պետի

առաջին տեղակալ, ոստիկանության փոխգնդապետ Մ. Մարկոսյանը, ուսումնամեթոդական և զարգացման վարչության պետ, ոստիկանության գնդապետ Գ.Գևորգյանը, միջազգային համագործակցության և ՏՏ ներդրման բաժնի պետ, ոստիկանության փոխգնդապետ Գ. Դավթյանը:

Կրթահամալիրի պետը հյուրերին ներկայացրեց Կրթահամալիրի կառուցվածքը, ուսումնական ծրագրերը և զարգացման տեսլականը:

Հանդիպման ավարտին կողմերը քննարկեցին համագործակցության զարգացման հետագա քայլերը, ինչպես նաև փոխադարձ հետաքրքրությունները մի շարք այլ հարցեր:

Այնուհետև հյուրերի համար շրջայց կազմակերպվեց Կրթահամալիրի տարածքով, նրանք ծանոթացան մասնագիտացված լսարաններին, գործող սիմուլյացիոն սենյակներին, ֆիզիկական պատրաստականության դահլիճներին, ինչպես նաև այցելեցին ՀՀ ոստիկանության պատմության թանգարան:

ՈՍՏԻՎԱՆՈՒԹՅԱՆ ՊԱՏՎԻՐԱԿՈՒԹՅՈՒՆՆ ԱՄՆ-ՈՒՄ

Մ. թ. հունվարի 25-ից փետրվարի 8-ն աշխատանքային այցով ԱՄՆ-ում Կանգաս նահանգ էր գործուղվել ոստիկանության պատվիրակությունը՝ ոստիկանության պետի տեղակալ Տիգրան Եսայանի գլխավորությամբ: Պատվիրակության կազմում ներառված էին մասնակիցներ ՀՀ ոստիկանության կենտրոնական ապարատից և ՀՀ ոստիկանության կրթահամալիրից:

Այցի նպատակն էր ուսումնասիրել ԱՄՆ գործող պարեկային ոստիկանության մոդելը Կանգասի համալսարանի իրավապահ մարմինների ուսումնական կենտրոնում (KLETC): KLETC-ում ՀՀ ոստիկանության կրթահամալիրի ներկայացուցիչները հնարավորություն ունեցան ծանոթանալու դասընթացների ուսումնական ծրագրերին, կիրառվող դասավանդման մեթոդներին, դասախոսական ամձնակազմին, կենտրոնում առկա նյութատեխնիկական բազային և օգտակար այլ տեղեկատվություն ստացան:

Հաջորդիվ, հանդիպումներ տեղի ունեցան նաև Ուիչիտա և Հեյնսոն քաղաքների ոստիկանության ղեկավարության, ինչպես և շերիֆի ու տեղակալների հետ, որի ընթացքում քննարկվեցին ստորաբաժանումների աշխատանքների կազմակերպման, գործողությունների իրավա-

կան կարգավորումների վերաբերյալ հարցեր: Հայաստանի ոստիկանության պատվիրակությունը եղավ նաև Հեյնսոնի կալանավայրում, 911 օպերատիվ կառավարման կենտրոնում, փորձաքրեագիտական լաբորատորիայում, SWAT հատուկ ջոկատայինների հրազենային սիմուլյատորում և կրակադաշտում:

Այցի ընթացքում Հայաստանի ոստիկանության պատվիրակությունն ստացել և ուսումնասիրել է տարբեր տեսակի փաստաթղթեր ու նյութեր, որոնք կարող են օգտագործվել ոստիկանության պարեկային ծառայության և օպերատիվ կառավարման կենտրոնի ստեղծման համար: Ավելին, նրանք հնարավորություն էր ընձեռնվել ամերիկացի գործընկերների հետ համատեղ մասնակցելու ոստիկանության պարեկային ծառայության հետազոտություններին գործնական փորձի ձեռքբերման նպատակով, ինչը և պատվով իրականացվեց:

Հավելենք, որ փորձի փոխանակման արդյունքում ձեռք բերված գիտելիքները և հմտությունները ՀՀ ոստիկանության ներկայացուցիչների կողմից կկիրարկվեն ՀՀ ոստիկանության կրթահամալիրի ուսումնական ծրագրերում՝ ի նպաստ հայաստանյան նոր ձևավորվող պարեկային ոստիկանության կայացման գործի:



ԼԱՎԱԳՈՒՅՆ ԴԱՍԱԽՈՍԸ ՈՉ ՄԻԱՅՆ ՍՈՎՈՐԵՑՆՈՒՄ Է ԼՍԱՐԱՆԻՆ, ԱՅԼԵՎ ՍՈՎՈՐՈՒՄ ՆՐԱՆԻՑ



Րունվարի 31-ին ՀՀ ոստիկանության կրթահամալիրում տեղի ունեցավ Կրթահամալիրի խորհրդակցական մարմնի ընդլայնված նիստը՝ նվիրված 2019թ. ընթացքում կատարված աշխատանքների ամփոփմանը:

Նիստին մասնակցում էին Կրթահամալիրի ղեկավարությունը և աշխատակիցները՝ Կրթահամալիրի պետ, ոստիկանության գեներալ-մայոր Մուշեղ Բաբայանի գլխավորությամբ:

Նիստի սկզբում ՀՀ ոստիկանության կրթահամալիրի պետի տեղակալ, ինքը և կադրերի և ԱՀՏԱ բաժնի պետ, ոստիկանության գնդապետ Մարտիրոս Մու-

րոյան ընթերցեց ՀՀ ոստիկանության պետի ժամանակավոր պաշտոնակատար, ոստիկանության գնդապետ Արման Սարգսյանի 24.01.2020թ. թիվ 220-Ա հրամանը՝ ըստ որի պարգևատրվել էին «Հավաքների ազատության օրենսդրության կարգավորումը Հայաստանի Հանրապետությունում» խորագրով ուսումնական ֆիլմի ստեղծման աշխատանքներում Կրթահամալիրի ակտիվ մասնակցություն ցուցաբերած ծառայողները: ՀՀ ոստիկանության կրթահամալիրի պետի առաջին տեղակալ, ոստիկանության փոխգնդապետ Միսակ Մարկոսյանն ու Կրթահամալիրի

ակադեմիայի պետության և իրավունքի տեսության և սահմանադրական իրավունքի ամբիոնի դոցենտ, ոստիկանության փոխգնդապետ Ամալյա Սաֆարյանը պարգևատրվեցին «Օրենքի պատվար» մեդալով, իսկ Կրթահամալիրի ակադեմիայի վարչական իրավունքի և ոստիկանության վարչական գործունեության ամբիոնի դոցենտ, ոստիկանության գնդապետ Վլադիմիր Ավագիմյանն ու Կրթահամալիրի ուսումնամեթոդական և զարգացման վարչության ուսումնական գործընթացի կազմակերպման և վերահսկման բաժնի պետի տեղակալ, ոստիկանության փոխգնդապետ Տաթևիկ Թևոսյանն ստացան դրամական խրախուսանք:

Շնորհավորելով պարգևատրվածներին՝ 2019թ. ընթացքում կատարված աշխատանքներն ամփոփեց ՀՀ ոստիկանության կրթահամալիրի պետ, ոստիկանության գեներալ-մայոր Մուշեղ Բաբայանը. «Կյանքում ամենամեծ ռիսկը ռիսկի չդիմելն է: Սա շատ տիպիկ է բնորոշում Կրթահամալիրի և այստեղ աշխատող յուրաքանչյուրիս փիճակը: Ինքներդ ինձնից լավ եք հասկանում, որ խելահեղ արագությամբ փոփոխվող, զարգացող հասարակական կյանքում հատկապես կրթության առաջ գոյացող մարտահրավերները պարտադրում են անընդհատ կատարելագործվել, զարգանալ, առաջ շարժվել: Գետի հոսանքին հակառակ քայլելու նման է. հենց

կանգ առանք, ուրեմն արդեն նահանջում ենք»:

Անդրադառնալով կատարված աշխատանքներին՝ կրթահամալիրի պետը հատկապես կարևորեց հաջողությամբ հաղթահարված ինստիտուցիոնալ ավատարմագրման փուլը, որը թիմային աշխատանքի լավագույն դրսևորումն էր՝ համատեղ ու համակարգված աշխատանքի արժանի արդյունքով:

Մ. Բաբայանն իր խոսքում կրկին ընդգծեց պրոֆեսորադասախոսական կազմի դերի կարևորությունը.

- Լավագույն դասախոսը ոչ միայն սովորեցնում է լսարանին, այլև սովորում նրանից: Դասախոսի դերի բարձրացումն անմիջականորեն կախված է մատուցվող նյութի որակից, մատչելիությունից, անընդհատ կատարելագործումից, լսարանը կառավարելու հմտությունից, գնահատման օբյեկտիվությունից, գործընկերների հետ հարաբերություններում օրինակելի վարք դրսևորելուց: Այնքանով, որքանով մեզ կհաջողվի սրանք անել, կբարձրանա նաև մեր անձնական հեղինակությունը:

Հանդիպման ավարտին Կրթահամալիրի պետը հանձնարարականներ տվեց ստորաբաժանումների ղեկավարներին՝ շեշտադրելով գիտական աշխատանքները խթանելու և ընդհանուր կարգապահությունն էլ ավելի ամրապնդելու կարևորությունը:

ՀԱՅԿԱԿԱՆ ԲԱՆԱԿԸ 28 ՏԱՐԵԿԱՆ Է

«Ժողովուրդները նախ և առաջ իրենց ամենաընտիր որդիները արյունով կորեցն իրենց երկիրը և ապա սրբացած հողի վրա կբարձրացնեն շենքն իրենց անկախության: Այո՞, նախ՝ հերոսների և նահատակների գերեզմանատուն, ապա՝ ազատ և երջանիկ Հայրենիք»:

Գարեգին Նժդեհ

1992թվականի հունվարի 28-ին կառավարությունն ընդունեց «ՀՀ պաշտպանության նախարարության մասին» պատմական որոշումը, ազդարարեց ազգային բանակի ստեղծման սկիզբը: 1992թ. մայիսին պաշտպանության նախարարությունն սկսեց առաջին զորակոչը հանրապետության տարածքում՝ հիմք դնելով բանակը ժամկետային զինծառայողներով համալրելու կայուն ավանդույթի:

Հայաստանի Հանրապետության բանակի կազմավորումն անցել է մի քանի փուլերով: Առաջին փուլը տևել է 1988թ. փետրվարից մինչև 1992թ. մայիս: Այս ժամանակ Ղարաբաղյան շարժման ակտիվացման և հայ-ադրբեջանական հարաբերությունների ծայրաստիճան սրման պայմաններում Հայաստանի և Արցախի բնակչության ռազմական անվտանգության ապահովումը դարձավ ավելի քան հրատապ:

Երկրորդ փուլը տևել է 1992թ. հունիսից 1994թ. մայիս: Այս ժամանակ Հայաստանի և Արցախի հանրապետություններն ագրեսիայի էին ենթարկվում Ադրբեջանի կողմից:

Երրորդ փուլը սկսվել է 1994թ. հունիսից և շարունակվում է մինչ այսօր:

Նորաստեղծ նախարարության ենթակայությանը հանձնվեցին ընդամենը զինվորական չորս միավոր՝ ՆԳՆ պարեկապահակային գունդը, հատուկ նշանակության օպերատիվ գունդը, քաղաքացիական պաշտպանության գունդը և հանրապետական զինկոմիսարիատը: Պաշտպանության նախարարության կենտրոնական ապարատը՝ գլխավոր շտաբը, վարչություններն ու առանձին բաժինները ստեղծվե-

ցին ավելի ուշ:

Հայոց բանակի ստեղծումից հետո առաջին տարիները վկայեցին, որ կա հասարակության, պետության և հայ ժողովրդի գոյության ամենակարևոր երաշխիքը՝ Հայոց բանակը: Հայոց բանակի ստեղծումն ու պատմությունն անբախտելիորեն շաղկապված են հայոց պետականության ստեղծման պատմական իրողությանը, քանզի պետություն և բանակ հասկացությունները միմյանց պայմանավորող են, և դժվար է, եթե չասենք անկարելի, պատկերացնել մեկն առանց մյուսի:

Այսօր Հայաստանի Հանրապետության զինված ուժերը ռազմական անվտանգության համակարգի հիմքը կազմող պետական ռազմական կառույց են և ապահովում են մեր երկրի անկախության, տարածքային ամբողջականության, պետական սահմանների անձեռնմխելիության զինված պաշտպանությունը:

Հայաստանի Հանրապետության զինված ուժերում և ընդհանրապես երկրի ռազմական անվտանգության համակարգում ներկայումս ընթանում են լուրջ և ակտիվ բարեփոխումներ, որոնց առաջնահերթություններն են զինված ուժերում գործող ռազմական չափանիշների կատարելագործումը և միջազգային առաքելություններ իրականացնելը:

Հայաստանի զինված ուժերի կամ, այլ կերպ ասած, հայկական բանակի դերակատարությունը չի սպառվում միայն երկրի ու ժողովրդի անվտանգության ապահովմանը նպաստակուղղված զուտ պաշտպանական-ռազմական բնույթի ֆունկցիաներով: Բանակն ունի արտաքուստ աննկատելի, բայց ոչ պակաս կարևոր մի առաքելություն ևս. դա ազգային ինքնագիտակցության ամրապնդման և ազգի ոգեղեն համախմբվածության ապահովումն է:

Շնորհավոր տոնդ, Հայոց բանակ: Փառք Հայոց բանակին, նրա զինվորին ու հայ ժողովրդին:

Մարիամ Մարկոսյան
ոստիկանության ավագ սերժանտ

ՈՒՍՈՒՄՆԱԿԱՆ ԿԵՆՏՐՈՆԻ ՍՈՎՈՐՈՂՆԵՐԻ ՀԱՆԴԻՍԱՎՈՐ ԵՐԴՈՒՄԸ



«Ծառայության անցնելով ՀՀ ոստիկանությունում՝ երդվում եմ. Հավատարիմ լինել ՀՀ սահմանադրական կարգին, անվերապահորեն ղեկավարվել օրենքներով, պաշտպանել հայրենիքս, պահպանել պետական և ծառայողական գաղտնիքը»:

Հենց այս խոսքերով Կրթահամալիրի ուսումնական կենտրոնի նախնական մասնագիտական կրթության «ոստիկան» որակավորման եռամսյա դասընթացն անցնող սովորողները հունվարի 29-ին երդվեցին անմնացորդ ծառայել հայրենիքին և ժողովրդին:

Երդման հանդիսավոր արարողությանը ներկա էին ՀՀ ոստիկանության կրթահամալիրի պետ, ոստիկանության գեներալ-մայոր Մ. Բաբայանը, Կրթահամալիրի ղեկավար կազմը, ուսումնական կենտրոնի անձնակազմը և սովորողների հարազատները:

Կրթահամալիրի պետը շնորհավորեց սովորողներին՝ մաղթելով մասնագիտական բարձունքներ: Երդման արարողությունն ավարտվեց հանդիսավոր երթով:

